

續修四庫全書



《續修四庫全書》編纂委員會編

續修四庫全書

上海古籍出版社

一九〇・經部・小學類

廣釋名二卷〔清〕張金吾撰

釋名疏證補八卷 續釋名釋名補遺共一卷 疏證補附一卷〔清〕王先謙撰

廣雅疏義二十五卷〔清〕錢大昭撰

2679/10

廣釋名

〔清〕

張金吾撰

據華東師範大學圖書館藏清嘉慶二十一年愛日精廬刻本影印原書
版框高一八五毫米寬二五二毫米

訓詁之學尙矣爾雅爲小學之祖說文乃六書之宗後世通儒精其學者因而推闡之于雅則有廣雅埤雅爾雅翼駢雅說文則有解字繫傳玉篇汗簡佩觿諸書雖醇駁互見然其訓古有獲蒐網繇蒼厥功皆偉漢劉成國撰釋名二十七篇其因字釋義宗爾雅而因音求義又似說文于古制古音多所稽鏡洵小學不可無之書而爲之羽翼訂證者蓋寡昭文張子月霄淹通六籍于治經之暇醇研小學病茲書之猶多舛譌漏畧也爰上採經傳旁搜識緯下迄兩漢諸儒之說繇徵博引條貫

廣釋名

序

一

兼綜以成書曰廣釋名蓋前此所未有也夫訓詁之學固將用以窮經而古之能文章家亦未有不精於此者漢司馬相如作凡將揚子雲著方言班孟堅有白虎通故其所爲詞賦典博宏贍冠絕千古典之杜子美韓昌黎於詩於文章亦皆百代之宗而其無一字無來歷則訓詁之學茂也張子能治訓詁以窮經必且能文章矣因來問序亟勸之授梓以爲小學家之助
嘉慶丙子六月翰林院編修吳縣吳慈鶴序

古小學之書說文爾雅方言外唯劉氏釋名僅存其書雅俗兼通義數並舉與爾雅方言尤相似顧爾雅義主釋經方言旨在通俗釋名義例蓋在二者之間其所詳畧自叙所稱論叙指歸義自有在非有闕漏也及門張子月霄嗜學好古于小學中尤善釋名謂古人制字象形指事外諧聲爲多故字從聲肇義以聲生凡字體不根于聲者僞體也字義不本於聲者假義也漢人具有師傳故毛鄭諸儒訓詁多主諧聲讀釋名一書斯義尤著因于治經之暇博覽羣籍自諸經傳注及諸子緯候

廣釋名

序

一

一句一義有與釋名相類者倣其例廣之得書二卷問序于余觀其書比類相從雜而不越又采輯斷自漢代體例亦極謹嚴殆有合于劉氏所云凡有未備智者以類求之之意俾古音古義之難通者或悉有所攷焉其出于世之餽飭剽拾之學遠矣是爲序
嘉慶癸酉十月朔友生黃廷鑑書

自序

漢劉君成國著釋名二十七篇從音求義多以同聲相諧其自序云凡所不載亦欲智者以類求之金吾治經之暇旁及小學讀其書陳義爾雅訓辭典奧古音古義賴斯僅存然如釋親屬而不及夫釋樂器而不及琴釋周弁夏收而畀則缺釋秦晉吳越而蜀不載誠有如序所云未能究備者至若星散也辰伸也其說孤而無證不若從說文解字星訓精辰訓震之爲得也姊積也妹昧也其說鑿而難通不若從白虎通義姊訓咨妹訓末

廣釋名

自序

一

之爲得也歲越也年進也不若訓遂訓仍之聲更相協也未昧也酉秀也不若訓昧訓老之說更精確也山產也河下也不若如說題辭訓宣訓荷之爲善也江公也濟濟也不若如尙書大傳訓貢訓齊之爲善也州注也不若如殊也疇也之訓爲善也豫豫也不若如舒也序也之訓爲善也水波揚爲揚州不若厥性輕揚之說爲善也在幽昧爲幽州不若其氣深要之說爲善也取兗水以爲名不若以兗訓信之爲善也取營室以爲名不若以營訓平之爲善也心之言任心之言柰較所識纖

廣釋名

自序

二

微之說爲善也弁之言樊弁之言槃較兩手相合之訓爲善也斧爲甫不若如斧之言捕之爲善也鐘爲空不若如鐘之言動之爲善也旌有精光不若如精進士卒之爲善也戰恭爲旃不若如旃表士衆之爲善也棺闕也不若訓完之爲善也柩究也不若訓久之爲善也他若名之言鳴名之言命則義得兩通亭之言留亭之言定則說可並存易舍三義必須合簡易變易不易而其說始備詩有三解必須合志也持也承也而其義始全金吾不揆樛昧輒輯諸經傳注及諸子緯候等書凡劉君所及見者就原分二十七篇之目依類廣之俾未載者既網羅前訓而得其指歸已載者亦博考羣書而備其訓釋于以成劉氏之志亦未必非小學之一助云
嘉慶甲戌夏五月昭文張金吾序

例言

一是書凡原書未釋如東風曰及已釋而訓解有異如
顛也或推闡未盡者如易也變易俱輯周秦兩漢之類
書以廣之故名曰廣釋名

一是書專採劉氏以前暨同時諸儒著述故所輯訓詁
斷自漢止

一先秦兩漢諸書散逸殆盡間有一二存者一字一句
罔非瓊寶今就諸經注疏太平御覽等書所引苟有與
釋名相類者悉依類採入一以明詁訓一以存佚亡也

廣釋名

例言

一

計引逸書凡一百二十餘種俱注明出處以便覆檢

一尙書孔傳孝經孔傳鄭注暨家語孔叢子等書託名
雖在劉氏前然或出自後儒或來從洋舶未能盡信姑
置弗錄若豐坊之詩傳詩說吾衍之晉乘檣杌其偽夫
人而知不復具論至東方朔神異經郭憲洞冥記等書
近于小說家言吾無得而稱焉

一世所行子夏易傳係唐張弧偽本今就陸氏釋文所
引者採入一二條餘並不錄

一東漢俗尙識緯習爲內學原書如日寔也月闕也雲

運也俱本緯書之說故是書所採緯書較詳

一是書多以同聲相諧第古今音異清濁輕重往往不
合如元命包以地訓易白虎通以簫訓戮似與諧聲不
協蓋古雉夷地三字同音易平聲卽夷故地可訓易簫
從肅得聲肅勑聲相近故簫可訓勑他皆倣此

一是書體例次序一依原書間有小異者如親屬釋及
嫁娶媒妁言語釋及君臣朝覲蓋以無類可歸故連及
之非故爲異同也若黍稷宜入五穀而列飲食圭璋宜
入禮器而列書契者則以原書有釋黍稷引見太平御覽今本缺釋

廣釋名

例言

二

笏二條故依類廣之

一是書稱引先儒伏生稱生毛公申公稱公賈馬鄭許
薛稱君餘俱稱氏不敢斥其名也孟子有劉向劉熙注
子政稱字成國稱氏以別之

一魏晉後諸儒訓詁有與釋名極相類者如爾雅釋文
記釋揚州日以揚州漸太陽位天氣擬作續釋名以附
舊揚履正合文明故取名焉之類
其後

廣釋名目錄

卷一

釋天

釋地

釋山

釋水

釋邱

釋道

釋州國

廣釋名

目錄

一

釋形體

釋姿容

釋長幼

釋親屬

釋言語

釋飲食

釋彩帛

卷二

釋首飾

釋衣服

釋宮室

釋床帳

釋書契

釋典藝

釋用器

釋樂器

釋兵

釋車

廣釋名

目錄

二

釋船

釋疾病

釋喪制

一第... 月... 日... 月... 日...

廣釋名援引書目

周易	毛詩
儀禮	周禮
禮記	逸禮
左傳	公羊傳
穀梁傳	論語
中庸	孟子
爾雅	子夏易傳
周易孟喜章句	周易京房章句
廣釋名	一
周易馬融傳	周易鄭康成注
鄭康成易贊	鄭康成易論
周易荀爽注	詩毛亨詁訓傳
毛詩鄭康成箋	孟仲子詩論
申公魯詩訓	韓詩
韓詩外傳	韓詩薛漢章句
伏勝尚書大傳	鄭康成尚書大傳注
尚書歐陽高章句	劉歆洪範五行傳
鄭康成洪範五行傳注	尚書馬融注

尚書鄭康成注

儀禮鄭康成注	鄭康成儀禮目錄
周禮鄭康成注	鄭康成周禮目錄
周禮鄭衆解詁	周禮杜子春注
周禮賈逵解詁	周禮馬融注
大戴禮記	禮親屬記
禮別名記	禮記鄭康成注
叔孫通漢禮器制度	戴聖石渠禮論
禮記盧植注	鄭康成魯禮禘祫志
廣釋名	二
月令蔡邕章句	春秋繁露
左傳鄭衆章句	左傳賈逵解詁
左傳延篤注	左傳顏客釋例
左傳服虔解詁	公羊傳何休注
論語包咸章句	論語鄭康成注
孟子劉向注	孟子劉熙注
爾雅犍爲舍人注	爾雅李巡注
爾雅樊光注	孝經魏文侯傳
劉向五經通義	劉向五經要義

許慎五經通義	許慎五經異義
鄭康成駁五經異義	鄭康成六藝論
鄭小同鄭志	李斯蒼頡篇
司馬相如凡將篇	三蒼
楊雄方言	杜林蒼頡訓詁
說文解字	樊恭廣蒼
釋名逸句	國語
國語賈逵注	國語服虔注
國策劉向序	國策高誘注
班固白虎通義	逸周書
吳越春秋	越絕書
世本	史記
漢書	漢書服虔注
漢書應劭集解	楊雄蜀王本紀
劉向七畧	應劭風俗通義
衛宏漢舊儀	王隆漢官篇
應劭漢官儀	胡廣漢官解詁
蔡質漢官典職	董巴輿服志

劉向列女傳曹大家注	蔡邕獨斷
山海經	應劭地理風俗記
管子	莊子
荀子	韓非子
六韜	司馬穰苴司馬法
尸子	墨子
鶡冠子	呂氏春秋高誘注
賈誼新書	淮南子
淮南子許慎注	淮南子高誘註
劉向說苑	劉向新序
楊雄太元	桓譚新論
桓寬鹽鐵論	王充論衡
荀悅申鑒	徐幹中論
汜勝之書	黃帝星經
張衡靈憲	周髀算經
劉歆三統歷	楚詞
楚詞王逸注	易乾鑿度
尙書中侯	書璿璣玑

詩推度災	詩舍神霧
禮舍文嘉	春秋元命包
春秋說題辭	春秋說題辭宋衷注
春秋考異郵	春秋文耀鉤
春秋運斗樞	春秋感精符宋衷注
春秋演孔圖宋衷注	孝經援神契
河圖括地象	河圖挺佐輔
河圖帝通紀	
書名無考	
廣釋名	通
董仲舒	杜林
張衡	盧植
服虔	應劭
潁容	劉熙
荀悅	
姓氏無考	
漢書舊注	相玉書

廣釋名卷一

昭文張金吾學

釋天



天顛也至高無上許君說文解字天者統理萬物鄭君周禮目錄天之

言瑱孔氏毛詩正義一曰天之爲言鎮也居高理下爲

人鎮也班氏白虎通義故其字一大以鎮之也爾雅釋文引天

神曰神高氏呂覽注神者伸也王氏論衡又申也應氏風俗通義一曰引

出萬物者也說文解字

暘日出也說文解字暘者陽也論衡

廣釋名

卷一

一

星之爲言精也陽之精也陽精爲日日分爲星太平御覽引春秋

秋說川德布精上爲星玉海引河圖括地象地有山嶽精鍾爲星

張平子說朱子易傳引星也者體生於地精成於天開元占經引張氏靈憲

一曰星晴也毛詩釋文引韓詩

風之爲言萌也其立字重動於几中者爲風太平御覽引春秋考異郵

東風曰條風淮南子條者達生也太平御覽引春秋考異郵

西方曰闔闔風說文闔者倡也史記

解字

東南曰清明風說文清明者青芒也白虎通義一曰精芒挫

收太平御覽引春秋考異

春之為言猶僂僂也董氏春秋繁露言僂僂動也白虎通義

秋之為言愁也鄭君曰愁愁之以時察守義者也禮記

者愁也萬物愁而入也太平御覽引伏一曰秋之為言

猶湫湫也春秋繁露又就也李氏文選注物皆成象而就也

楊氏又肅也萬物莫不肅敬也史記索隱引尸子

冬之為言中也中者藏也禮記物方藏於中也藝文類聚

引尚書大傳

廣釋名 卷一

唐虞曰載爾雅一歲莫不覆載故曰載也蔡氏獨斷夏曰歲

兩歲之為言遂也太平御覽引周曰年爾雅年者仍也白

虎通義

五行者欲言為天行氣之義也白虎通義

木之為言觸也陽氣動躍觸地而出也又曰木之為言

牧也白虎通義木味酸酸者鑽也萬物應陽鑽地而出呂覽

注

水味所以鹹何是其性也所以堅之也五味得鹹乃堅

也白虎通義一曰銜也說文解字

火之為言委隨也白虎通義

子者滋也三國志注引詩推度災

寅言萬物始生蟄然也史記一曰引達於寅漢書

丑於易為艮釋名艮之言很也周易釋文引周易鄭君

注

卯之為言茂也言萬物茂也史記

辰者言萬物之娠也史記一曰辰震也三月陽氣動雷電

振民農時也說文解字

午於易為離釋名離為別離以陰隔陽也煙燄飛升炭

廣釋名 卷一

灰降滯是其別離也李氏周易集解引周易荀氏注

未者言萬物皆成有滋味也史記

申神也說文又呻之也淮南子

酉者老也白虎通義萬物之老也史記又就也說文一曰留孰

於酉漢書

戌者滅也說文言萬物盡滅史記

亥該也言萬物藏於下故該也史記一曰亥核也白虎通義

茲也說文閔也淮南子

乙象春草木冤曲而出陰氣尚彊其出乙乙也說文解

字

已之言起也

禮記注

已者抑屈起

白虎通義

壬之爲言任也

史記注

王者陰使任

白虎通義

霜者殺伐之表

古微書引春秋

霜亡也陽以散亡

白虎通義

霜之爲言亡也四時代謝以霜收殺物以終也

太平御覽引春秋考異郵

霆雷餘聲也鈴鈴所以挺出萬物

說文

一曰霆礚礚也

一切經音義引李氏蒼頡篇

霆者挺生萬物也

周易釋文引周易京氏注

廣釋名

卷一

四

震劈歷振物者

說文解字

覆者陰薄陽之象

南齊書引洪範五行傳

陰陽專精凝合成電雹之言合也

太平御覽引春秋考異郵

暈讀若君國子民之君氣圍繞日周市有似軍營相圍

守故曰暈也

呂覽注

一曰運讀連圍之圍運者軍也有軍事相圍守則曰運出也

淮南子注

敘者雲有次序如山敘在日上也

周禮鄭司農注

晦而月見西方謂之朏

文選注引洪範五行傳

朏條達行疾貌也

文選注引洪範五行傳

一曰朏相頰也日晦食爲朏

顏氏漢書

注引服氏注

日運爲躔

楊氏注

躔舍也

呂覽注

二十八宿一宿爲一舍

文選注引淮南子許君注

舍止也

夜舍也天下休舍也

說文解字

宵陽氣消也

邢氏爾雅疏引爾雅舍人注

宵猶小也

文選注引春秋

演孔圖宋氏注

尊日且冥也

說文解字

日昃中也

周禮注

日在西方時側也

說文解字

廣釋名

卷一

五

日出前漏三刻爲明

文選注引劉氏五經要義

明者孟也

大戴明謂

日照晝

禮記注

幽者幼也

大戴禮記

幽謂月照夜

禮記注

璇璣謂北極星

續漢志劉氏注

璇者還也璣者幾也微也其變幾微而所動者大謂之璇璣

太平御覽引尚書大傳

紫宮

史記注

紫之言此也宮之言中也言天神運動陰陽開

閉皆在此中也

史記索隱引春秋元命包

攝提史記攝提之爲言提攜也言提斗攜角以接于下也

史記索隱引春秋元命包

營室者主營胎陽氣而產之史記一曰於是可以營制宮

室故謂之營室毛詩鄭君箋

房心爲天帝之明堂布政之所出賈氏周禮疏引春秋文耀鉤房者

言萬物門戶也史記

危垓也言陽氣之危垓故曰危同上

須女言萬物變動其所陰陽氣未相離尙相如胥也故

曰須女同上

氏者言萬物皆至也同上

箕者言萬物根棋故曰箕同上

弧者言萬物之吳落且就死也同上

狼者言萬物可度量斷萬物故曰狼同上

罰者言萬物氣奪可伐也同上

濁者觸也言萬物皆觸死也同上

婁者呼萬物且內之也同上

昂之爲言留也言物成就繫留是也毛詩正義引春秋元命包一曰

留者言陽氣之稽留也史記

元枵虛也爾雅枵耗名也左傳

農祥國祥猶象也華嚴經音義引國語賈君注

李之爲言猶莠也穀梁李者何彗星也公羊彗者天之

旗古微書引河圖帝通紀去穰布新者也太平御覽引洪範五行

旱之爲言乾藝文類聚引洪範五行傳一曰旱之言悍也陽驕蹇所

致也太平御覽引春秋考異郵无妄大旱之卦萬物皆死無所復望

周易集解引妄猶望謂无所希望也周易釋文引大

周易京氏注零求雨之術吁嗟之周禮疏引董膠西說一曰

者何旱祭也公羊零求雨之術吁嗟之周禮疏引董膠西說一曰

遠也遠爲百穀求膏雨也左傳服氏注

六氣相傷謂之沴太平御覽引尚書大傳鄭君注沴猶臨蒞不和意也

凡草木之類謂之妖妖猶天胎言尙微漢書

卻變異曰禳禳攘也周禮注

釋地

地者易也言養物懷任交易變化含吐應節也太平御覽引春秋

命包又嬖也承天行其義也太平御覽引春秋說題辭又麗也釋文

引淮南子地之言施也諦也應施變化審諦不誤故謂

之地太平御覽引地神曰祗爾雅疏提出萬物者也說文解字

田一夫之所佃周禮田陳也謂陳列種穀之處爾雅釋

文引爾雅李氏注

藉田藉之言借也禮記借人力以成其功故曰藉徐氏

廣釋名

卷一

人

記引月令一曰古者使民如借故曰藉田風俗通義

圭田圭之言珪絜也周禮注

壟中曰畎畎上曰伐伐之言發也同上

藪澤之地九夫為鳩八鳩而當一井孔氏左傳正義引

左傳賈君注

阜者茂也言平地隆踊不屬於山林也風俗通義

汎者莽也言其平望莽莽無涯際也汎澤之無水斥鹵

之類也同上

沛澤沛者草木之蔽茂禽獸之所蔽匿也同上

上平曰原公羊原端也平而有度也太平御覽引春秋

說題辭

下而平者謂之隰隰之猶言溼也太平御覽引謂土地

衆下常沮洳名為隰也爾雅疏引爾雅李氏注

在田曰疆公羊土地疆槩之地禮記注

廣釋名

卷一

九

釋山

山者地之基文選注引春秋運斗樞氣之苞古微書引春秋元命包地有山

嶽以宣其氣開元占經引靈憲山之爲言宣也含澤布氣調五行也太平御覽引春秋說題辭

陵之爲言稜也輔山成其廣大層稜扶推益厥長也同上

嶽之爲言摘也摘功德也白虎通義

東方爲岱宗言萬物更相代于東方也白虎通義東方萬物始交代之處宗長也言爲羣嶽之長太平御覽引劉氏五經通義

曰岱者胎也續漢志注引風俗通義

衡山上承景宿銓德均物故曰衡太平御覽引衡山一

名霍霍者萬物盛長垂枝布葉霍然而大風俗通義

西方爲華山華之爲言穫也言萬物成熟可得穫也白虎通義

義一曰華者華也萬物滋然變華於西方也風俗通義少陰用事萬物生華故曰華山初學記引白虎通義

會稽者會計也禹會諸侯江南計功而崩因葬焉命曰

會稽史記禹巡天下歸登茅山乃大會計治國之道更名

茅山曰會稽吳越春秋

山頂曰冢毛公詩傳冢者種也羅倚於山分尊卑之名者也鄭氏水經注引春秋說題辭

石之爲言託也太平御覽引春秋說題辭託立法也古微書引春秋說題辭

磐周易山中石磐紆故稱磐周易正義引周易馬君注

續修四庫全書

北